



宋繫太平御覽



和装本

1 3
403
151



13
403
151



太平御覽卷第九百八十一

香部

香部一 麝香 龍腦香 雀頭香 蘇合香 安息香 龍腦香 雀頭香 蘇合香 安息香

蘇合香

龍腦香

雀頭香

蘇合香

安息香

世說曰相車騎時有陳莊者入武當山學道所居恒有白

轂焚香者常有數千

煙香氣聞徹。續晉安帝紀曰王錕惡亡經日魏興太守


郭宜之晝坐忽見鍾惡叙舊事相對悲泣勸營功德去後

太平御覽

卷九百八十一

張棟

香部



新定圖書

此係明治八年八月廿八日
卅八年八月廿八日
卅八年八月廿八日
卅八年八月廿八日
卅八年八月廿八日
卅八年八月廿八日
卅八年八月廿八日
卅八年八月廿八日
卅八年八月廿八日
卅八年八月廿八日

新定圖書

郡內悉聞香狀如芳烟流散

晉書曰杜太后傳曰海西公之世太后復臨朝稱制和熹之廢海西公也太后方在佛屋燒香內侍啓云外有急奏太后乃出尚倚戶前視奏

宋書曰范曄撰和香方其序之曰麝本多忌過分必害沉實易和盈斤無傷零藿虛燔詹唐黏濕甘松蘇合安息鬱金奈多和羅之屬並被珍於外國無取於中道又棗膏昏鈍甲煎淺俗非唯無助於馨烈乃當彌增於尤疾也所言悉以比類朝士麝本多忌比庾仲文零藿虛燔比何尚之詹唐黏濕比沈演之棗膏昏鈍比羊玄保甲煎淺俗比徐湛之甘松蘇合比慧琳道人沉實易和以自比也

齊書曰韓懷明上黨人也客居荊州十歲母患尸疰每發輒危殆懷明夜於星下稽顙祈禱時寒甚切忽聞香氣空

中有人曰童子母須臾未差無勞自苦未曉而母平復

梁書曰庾詵九遵釋教宅內立道場環繞禮懺六時不息誦法華經每日一遍後夜中忽有一道人自稱願公容止甚異呼詵爲上行先生授香而去

又曰梁武帝祀南郊先是一日景夜南郊令解除之等到郊所履行忽聞異香隨風而至及將行事奏樂迎神有異光圓滿壇上朱紫黃白雜香食頃乃滅

又曰王琛本無令問爲太子中舍人諂事何劭容爲其階前種植香草脫履躡其草根劭容意以爲善

郭子曰陳騫以韓壽爲掾每會開壽有異香氣是外國所貢一著衣歷日不歇騫計武帝唯賜己及賈充他家理無此香嫌壽與己女通考問左右婢具以實對騫以女妻壽壽時未婚晉書云賈充女繼香與韓壽

金樓子曰齊東昏以錦石為殿內開千門萬戶又有和香香氣紛馥聞之使人歡悅生諸雅態兼令睡眠

又曰昔玉池國有民聳面奇醜婦國色鼻鼷壻乃求媚此婦終不肯迴願遂往西市售無價名香而燻之還入其室婦既醜矣豈分香臭哉

呂氏春秋曰懷腐而欲香入水而惡濡

漢武故事曰上作柏梁臺悉以香柏香間數十里也

漢宮典職曰尚書郎懷香握蘭

神仙傳曰淮南王為八公張錦騎之帳燔百和之香

佛圖澄傳曰澄以鉢盛水燒香呪之須臾生青蓮花

林邑記曰朱吾以南有文狼野人居無室宅依樹止宿食生肉採香為業與人交市若上皇之民矣

鄴中記曰石虎作流蘇帳頂安金蓮花花中懸金薄織成

純音囊囊受三升以盛香注帳之四面上十二香囊采色

亦同

竺法真登羅山疏曰越王擣薰陸香。扶南傳曰頓遜國人恒以香花事天神香有種種區撥葉逆花遂致各遂花摩夷花冬夏不衰日載數十車於市賣之燥乃益香亦可為粉以傅身體。述征記曰北芒有張母墓舊說是王氏妻葬有年載後開墓而香火猶燃只不長而香

十州記曰漢武時長安大疫人死日以百數帝乃試取月氏國神香燒之於城內死未滿三日者活芳氣經三月不歇帝始信神物也乃祕錄餘香。郭子橫洞冥記曰漢武帝於招仙閣燒靡離之香屑如粟一粒香氣三月不歇。又曰跋塗闍耆胡人也剪髮裸形不食穀唯飲清水食都夷香如棗核食一斤則歷月不飢以一粒如粟大投清水

中俄而滿大孟也

博物志曰西域使獻香漢制獻香不滿斤不得受西使臨去又發香器如大豆者試着官門香氣聞長安四面數十里中經月乃歇

搜神記曰渤海史良好一女子許嫁而未果良怒殺之後夢見曰還君物覺而得昔所與香纓金釵之屬

又曰初鈞弋夫人有罪以譴死殯尸不臭而香

又曰合肥有一大白舡覆在水中漁人夜宿其傍聞箏笛之音又香氣非常相傳云曹公載妓舡覆於此

任昉述異記曰魏武帝陵中有泉謂之香水古詩云安得香水泉濯郎

衣上一說香水在并州香山其水潔香浴之去病吳故宮有香水溪俗云西施浴處又呼為脂粉塘吳王宮人濯粧於此溪上源至今馨香

又曰南海出千步香佩之聞於千步也今海隅有千步香是其種也葉似杜若而紅碧間雜貢籍云日南郡貢千步香漢雍仲子進南海香物拜為涪陽尉時人謂之香尉日南郡有香市商人交易諸香處南海郡有香戶日南郡有千畝香林名香出其中香洲在朱崖郡洲中出諸異香往往不知其名千年松香聞十里亦謂之十里香也

夢書曰夢得香物婦女歸也

曹植洛神賦曰踐椒塗之郁烈步蘅音薄而流芳

魏武令曰黃天下初定吾便禁家內不得香薰後諸女配國家為其香因此得燒香吾不好燒香恨不遂所禁今復禁不得燒香其以香藏衣着身亦不得

秦嘉答婦徐淑書曰令種好香四種各一片可以去穢淑答書曰不得侍帷帳則芬芳不設

陸機吊姚武文曰余爲著作郎遊祕閣見魏武令曰餘香可分與諸夫人諸舍中無所爲學作履組賣也吊曰紆家人於履組塵清慮於餘香

麝

爾雅曰麝父麋足

郭璞注曰脚似麋臍有香

許慎說文曰麝如小麋臍有香從鹿射聲黑色麋也

義熙起居注曰倭國獻貂皮人參等詔賜細笙麝香

齊書曰東昏侯鑿金蓮花帖地令潘妃行其上曰此步步蓮花也塗地皆以麝香

唐書曰波斯國人皆以麝香和蘇塗鬚點額及於耳鼻川

以爲敬

抱朴子曰辟蛇法入山以麝香丸著足爪中皆有効又麝

香及野猪皆啖蛇故以壓之也又作筆墨法曰作墨用雞

子白真珠麝香合以和墨宜用九月二日

南夷志曰南詔有婆羅門波斯閣婆渤泥崑崙數種外道

交易之趣多珠珍寶以黃金麝香爲貴貨

嵩高山記曰有人在嶺上聞異聲清和雅妙尋不復聞唯

見一麝香在嶺上側足覆跳忽失所在

荊州圖記曰臨澧縣南有龍寄山有獸多麝

西京雜記曰趙飛鸞爲皇后女弟在昭陽殿遺飛鸞書曰

今日嘉辰貴姊懋膺洪冊上樾三十五條以陳暉曜之志

焉椰葉房同心梅合枝李青木香香螺卮

雄黃麝香沉水香

續搜神記曰栢哲字明期居豫章時梅玄龍爲太守已病

哲往省之語梅曰吾昨夜忽夢作卒迎卿來作太山府君

梅聞之愕然曰吾亦夢見卿爲卒着衣來迎我數日復同

夢如先云二十八日當拜至二十七日晡後恒忽中惡腹脹滿遣人就梅索麝香丸梅問便令作凶具相便亡八日而梅卒

本草經曰麝香味辛辟惡殺鬼精生中臺山北

秦嘉與婦書曰今奉麝香一斤可以辟惡氣

嵇康養生論曰麝食柏而香

麝香

孫氏瑞應圖曰歲蕤者禮備至則生一曰王者愛人命則生一名歲香也

鬱金

說文曰鬱芳草也十葉為貫築以煮之為鬯一合而釀之以降神也

周禮春官甸人掌裸器裸器謂彝及舟與瓚凡祭祀賓客之裸

事和鬱鬯以實彝而陳之築鬱金煮之以和鬯酒鄭司農云鬱香草名七葉為貫百二十

貫為築以煮之鑊中停於祭前鬱為草若蘭

後周書曰秦國出鬱金

後周書曰波斯國大月氏之別種也地出翬觥翬音二音玄麋

皮及薰陸鬱金蘇合青木香等胡椒畢撥石蜜千年棗香

附子訶黎勒無食子鹽綠雌黃等物

唐書曰天竺國卑濕暑熱稻歲四熟有金剛似紫石英百

鍊不銷可以切玉又有旃檀鬱金香通於大秦

又曰太宗時伽毗國獻鬱金香似麥門冬九月花開狀似

芙蓉其色紫碧香聞數十步花而不實欲種者取根

文士傳曰朱穆字公叔作鬱金賦曰英媚爍以焜煌似九

日之普照遠而望之粲若星羅出雲嶠近而觀之擘若丹

桂耀湘涯

應劭地理風俗記曰周禮鬱金掌裸器凡祭醴賓客之裸事和鬱鬯以實樽彝鬱芳草也謂用百草之華煮以合釀黑黍以降神者也或說今鬱金香是也

南州異物志曰鬱金者出蜀賓國人種之先取上佛積日萎爛乃載去之然後取鬱金色正黃細與芙蓉華裏披蓮者相似可以香酒

雞舌

應劭漢官儀曰桓帝侍中迺存年老口鼻上出雞舌香與含之雞舌頗小辛螫不敢咀嚼嫌有過賜毒藥歸舍辭決就便宜家人哀泣不知其故僚友求眠其藥出在口香感噉笑之

吳時外國傳曰五馬洲出雞舌香

抱朴子曰或以雞舌黃連乳汁煎之注之諸有百瘡之在

目愈而更加精明倍常○俞益期牋曰外國老胡說衆香共是一木木花爲雞舌香

南洲異物志曰雞舌出桂蘇洲云是草花可含香口

廣志曰雞舌出南海中及剽國蔓生實熟貫之

續搜神記曰王廣豫章人年少未昏至田舍見一女云我是何參軍女年十四而天爲西王母養使與下土人交廣與之纏綿其日於席上得手中裏雞舌香其母取巾燒之乃是以浣布

龍腦

唐書曰正觀中烏菟國遣使獻龍腦香

本草曰龍腦香味苦微寒主心腹邪氣風濕積聚卽婆律國形似白松脂作杉木氣明淨者善云合粳米灰相思子貯之則不耗

樹似杉言婆律膏是樹根下清脂龍腦是樹中乾脂子似豆寇

江表傳曰魏文帝遣使於吳求雀頭香

本草曰雀頭香和青麝與生心氣除風濕

太平御覽卷第九百八十一

金澤文庫

與之歸誠其非故也... 太平御覽卷第九百八十一

太平御覽卷第九百八十一

金澤文庫

香部二

蘇合 安息 水薰陸

流黃水 青木 旃檀 甘松 艾納 小

霍香 楓香 棧香 木蜜 栴檀 栴檀

都梁 沈香 甲香 迷迭 零陵

芸香 蘇合

續漢書曰大秦國合諸香煎其汁謂之蘇合

梁書曰中天竺國出蘇合是諸香汁煎之非自然一物也

又云大秦人採蘇合先筌其汁以為香膏乃賣其滓與諸

國賈人是以展轉來達中國不大香也

傅子曰西國胡人言蘇合香獸便也中國皆以為怪

太平御覽

卷九百八十一

從征記曰劉表家在高平郡表子壽四方珍香數十斛置棺中蘇合消疫之香畢備永嘉中郡人發其墓表如生香聞數十里人將蘇合香其香以蘇合香膏代賣其香與蘇合膏賣滓與賈客或云合諸香草煎為蘇合非自然一種也傳玄四愁詩曰佳人贈我蘇合香何以要之翠鴛鴦班固與弟超書曰寶侍中令載雜絲七百疋市月氏蘇合香

安息

晉書佛圖澄傳曰石勒時襄國城水源暴竭勒問澄澄曰當勅龍取水乃坐繩床燒安息香呪願三日水微流有小龍五六尺隨水來須臾水大至

唐書曰曹國出青黛安息青木等香

薰陸

魏略曰大秦出薰陸一木木節最青木

抱朴子曰存焚洲在海中薰陸香之所出薰陸香木膠也樹有傷穿膠因墮夷人採之以待估客所以賈不多得者所患狃_{居一}掘獸噉之此獸斫刺不死投火中薪盡不焦以杖打之皮不傷而骨碎然後乃死

廣志曰薰陸出交州又大秦海邊人採與賈人易穀若無賈人取食之○南方草木狀曰薰陸香出大秦云在海邊自有人樹生於沙中盛夏樹膠流出沙上夷人採取賣與賈人南州異物志同其香唯云狀如桃膠典補又

賈人同唯云海松柏法不飲食之令人通神靈也榆益期賤則眾香共是一木木膠為薰陸南吳時外國傳曰流黃香出都昆國在扶南南三千餘里南異物志同

廣志曰流黃香出南海邊國
隋書曰樊子蓋為武威太守車騎駕西巡將入吐谷渾子
蓋以彼多瘴氣獻青木香禦霧露
唐子曰蘭野國出朱砂水銀薰陸鬱金蘇合青木等諸香
南夷志曰崑崙國正北去蠻界西洱河八十一日程出象
及青木香旃檀香紫檀香檳榔琉璃水精蠶柘
又曰南詔青木香永昌所出其山名青木山在永昌南三
月州程
廣志曰青木出交州天竺
徐衷南方記曰青木香出天竺國不知其形實不冬落青
南州異物志曰青木香出天竺是草根狀如甘草
俞益期賤曰衆香共是一木木節是青木

旃檀

三國典略曰周師陷江陵初梁主以白檀木為梁武之像
每朔望親祭之軍人以其香也剖而分之
竺法真登羅山疏曰旃檀出外國元嘉末曾城有人於山
見一大樹圓蔭數畝三丈餘圍辛芳酷烈其間枯條數尺
援而刃之乃白旃檀
俞益期賤曰衆香共是一木木根為旃檀
崔豹古今注曰紫旃木出扶南林邑色紫赤亦謂紫檀也
杜寶火業拾遺錄曰壽禪師甚妙醫術作五香飲第一沈
香飲次丁香飲次檀香飲次澤蘭飲次甘松飲皆別有法
以香為法以香為主更加別藥有味而止渴兼於補益

甘松

廣志曰甘松出涼州諸山

廣志曰艾納出剽國。樂府歌曰行胡從何來列國持何來。醴醑五味香迷送艾納及都梁。南齊書曰都梁出南越。南越志曰交州有蜜香樹欲取先斷其根經年後外皮朽

廣志曰霍香出日南諸國。吳時外國傳曰都昆在扶南山有霍香。南方草物狀曰霍香榛生民自種之五六月採曝之乃芳芬耳出交趾武平興古九真地名也。

南州異物志曰霍香生曲遜國屬扶風香形如都梁可以着衣服中。劉欣期交州記曰霍香似蘇合。范曄和香方曰靈霍虛燥。俞益期賤曰眾香共是一木木葉為霍香。

楓香

梁書曰任昉為新安太守嘗欲營佛齋燒楓香二石始入三升便出教長奪曰與奪自己不欲貽之後人。南方記曰楓香樹子如鴨卵爆乾可燒。魏武令曰房室不潔聽得燒楓膠及蕙草。

廣志曰棧香出日南諸國。南方草物狀曰棧蜜香出都昆不知棧蜜香樹若為但見香耳。

嶺表錄異曰廣管羅州多棧香樹身似柳其花白而繁其葉如橘皮堪作紙名為香皮紙灰白色有紋如魚子棧其紙慢而弱沾水即爛遠不及楮皮者又無香氣或云沉香雞骨黃熟棧香同是一樹而根幹枝節各有分別者也。南越志曰交州有蜜香樹欲取先斷其根經年後外皮朽

爛木心與節堅黑沉水者為沉香與水面平為雞骨最饒者為椶香蘇香同一樹而結節於幹者為沉香於枝者為浮香浮香者不沉於水木蜜蘇蜜異物志曰木蜜名曰香樹生千歲根本甚大先伐僵之四五歲乃往看歲月久樹林惡者腐敗唯中節堅直芬香者獨在耳

魏王花木志曰廣志木蜜樹號千歲樹根甚大伐之四五歲乃取木腐者為香其枝可食

本草經曰木蜜一名蜜香味辛溫

南方草物狀曰栟香莖生出烏游

廣志曰都梁出淮南

盛弘之荆州記曰都梁縣有小山山水清淺其中生蘭草俗為蘭為都梁即以此號縣

沉香

晉書曰石崇以奢豪矜物廁上常有十餘婢侍列皆有容色置甲煎粉沉香汁有如廁者皆易新衣而出客多羞脫衣而泣敦脫故著新意色無作群婢相謂曰此客必能作賊

又曰吳隱之至自番禺其妻劉氏齎沉香一斤隱之見遂投於湖亭之水

梁書曰林邑國出古貝及沉香木古貝者樹名也其華成時如鵝毳抽其緒紡之以作布與紵布不殊亦染成五色織為斑布沉水香土人斫斷積年以朽爛而心節獨在置水中則沉故名曰沉香次不沉者棧和之屬

陳書曰波皇后素無寵至德二年乃於光照殿前起臨春
綺綺望仙三閣高數十丈並數十間其窓牖壁帶懸楣欄
檻之類皆以檀香爲之
唐書曰先天二年十月親講武於驪山之下徵兵二十萬
上親擐戎服持沉香大槍立於陣前威振宇宙長安士庶
奔走縱觀填塞道路
又曰長慶中波斯大賈李蘇沙進沉香亭子材左拾遺李漢
上疏以爲沈香爲亭比瑤臺玉室上頗怒言過特優容之
金縷子曰扶南國衆香共是一木根便是旃檀節便是沈
水花是雞舌葉是霍香膠是薰陸
竺法真登羅山疏曰沈香葉似冬青樹形崇竦其木枯折
外皮朽爛內乃香山雖有此樹而非香所出新會高涼土
人斫之經年肉爛盡心則爲沈香出北景縣樹極高大土

人伐之累年須外皮消盡乃割心得香
郭子橫洞冥記曰薰木鮮祗所獻色如玉而質輕泛之昆
靈池爲舟爛則沈矣碎其屑氣聞數百里氣之所至毒疫
皆除

杜寶大業拾遺錄曰四年夏四月征林邑國兵還至獲彼
國得雜香真檀象牙百餘萬斤沉香二千餘斤
又曰尚書令楊素大業中東都宅造沉香堂甚精麗新泥
堂訖閉之三月後開視四壁並爲新血所洒腥氣觸人
異苑曰沙門支法存在廣州有八尺髹甃又有沈香八尺
板床太元中王琰爲州大兒劬求二物不得乃殺而籍沒
焉

南州異物志曰沉香出日南欲取當先斫壞樹着地積
久外皮朽爛其心至堅者置水則沉名沉香其次在心白

之閒不甚堅精置之水中不沈不浮與水面平者名曰橙香其最小麗白者名曰繫香俞益期賤曰衆木共是一木木心爲沉香

廣志曰甲香出南方南州異物志曰甲香螺屬也大者如甌而前一邊直攬長數寸圍殼岨崕有刺其攬可合衆香燒之皆使益芳獨燒則梟甲香一名流螺謂之中流最厚味范曄香方曰甲煎

淺浴大業錄曰甲香出南方

魏略曰大秦山迷送廣志曰迷送山西海中

魏文帝迷送賦曰余種迷送於中庭嘉其楊條吐香稂有

令芳乃爲之賦曰坐中堂以遊觀覽芳草之樹庭舞妙麗于纖枝揚脩幹而結莖薄六夷之穢俗超萬里而來征豈衆華之是芳信希世而特生○應瑒迷送香賦曰振纖枝之翠粲動綠葉之菲菲舒芳香之酷烈乘清風以徘徊

陳班迷送香賦曰立碧莖之婀娜鋪綠條之蟠蜿南越志曰零陵香土人謂爲鸞草

說文曰芸草似苜蓿淮南子曰芸可以死而復生

雜字解話曰芸杜榮大戴禮夏小正曰採芸爲廟菜

禮記月令曰仲冬之月芸始生鄭玄曰芸香草也

禮圖曰芸蒿其葉似蒿香美可食也

魏略曰大秦出芸膠
洛陽宮殿簿曰顯陽殿前芸香一株徽音含章殿前各二株
晉宮閣名曰太極殿前芸香四畦式乾殿前芸香八畦徽
音殿前芸香雜花十一畦明光殿前芸香雜花八畦顯陽
殿前芸香二畦

廣志曰芸膠有安息膠有黑膠

吳氏本草曰石芸一名敞列一名領喙

傅玄芸香賦序曰始以微香進御終於捐弃黃壤吁可閔
也遂詠而賦之○成公綏芸香賦曰美芸香之脩潔稟隆
陽之淑精莖類秋竹枝象春松○傅咸芸香賦序曰先君
作芸香賦辭美高麗有觀斯卉蔚茂馨香同遊使余爲序
太平御覽卷第九百八十三

太平御覽卷第九百八十三

香部三

槐香

蘭香

蘼蕪

蕙草

藹車

杜蘅

白芷

荃香

薰香

兜末香

反生香

鷲精香

白蛤狸

藁本香

神精香

龜甲香

槐香

嵇含槐香賦序曰余以太簇之月登於歷山之陽仰眺崇
巒俯視幽坂乃觀槐香生蒙楚之閨曾見斯草殖於廣夏
之庭或披帝王之圃怪其遐弃遂遷樹于中唐華麗則殊
彩阿那芳實則可以藏書又感其弃本高崖委身階庭似
傳說顯殷四叟歸漢故因實制名蒙蒙綠葉搖搖弱莖

蘭香

易曰同心之信其臭如蘭蘭芳也

易通卦驗曰冬至廣莫風至蘭始生

說文曰蘭香草也

韓詩曰溱與洧說文云詩人言溱與洧方盛流洹洹然謂三月桃花水下之時士與女方盛流秉簡兮秉執也簡蘭也當此盛流之時眾姓與眾女方執蘭而拂除鄭國之俗三月上巳之日此兩水之上招魂續魄拂除不祥大戴禮夏小正曰五月蓄蘭為沐浴

禮曰婦人或賜之萋蘭則受而獻諸舅姑

左傳曰鄭文公有賤妾曰燕姑夢天使與己蘭曰余為伯儵余而祖也以此為而子以蘭有國香人服媚之既而文公見之與之蘭而御之辭曰妾不才幸而有子將不信敢徵蘭乎姑曰諾生穆公名之曰蘭

論撰考識曰漸於蘭則芳漸於鮑則臭楚蘭合之

史記曰冬至短極蘭根出其根而不

蜀志曰先主殺張裕諸葛亮救之先主曰芳蘭當門不得

不鋤

晉書曰惠帝時温縣有人如狂造書曰兩火沒地哀哉秋蘭歸形街郵終為人歎及楊駿已死楊后被廢賈后絕其膳八日而崩葬街郵亭北百姓哀之兩火武帝諱蘭楊后字也

宋書曰劉湛欲表淑附己而淑不為改意由是大相乖失淑乃賦詩曰種蘭忌當門懷璧莫向楚楚少別玉人門非種蘭所良哉

晏子春秋曰曾子將行晏子送之曰嬰聞君子贈人以財不若以言君請以言乎夫蘭本三年而成湛之若滌則君

子不近庶人不佩湛之麋醢而駕征馬矣非蘭本美也願
子必求所湛○蘇子曰蘭以芳自燒膏以肥自燔而悅翠
以羽殃身蚌以珠致破

文子曰日月欲明浮雲蓋之藜蘭欲脩秋風敗之
又曰蘭芷不為莫服而不芳與君子行遊茲兮如入蘭芷
之室久而不聞則與之化矣

范子詩然曰大蘭出漢中蘭輔出河東弘農白者善
孫卿子曰人之親我欣若父母其好我芬若椒蘭

淮南子曰兩心不可以得一人一心可以得百人男子樹
蘭美而不芳蘭芳草女之美芳也男子樹之蓋不繼子得食肥而不澤繼子繼子假母
精不相與往來也

淮南子曰蘭生幽宮不為其服而不芳
抱朴子曰人鼻無不樂香故流黃鬱金芝蘭蘇合玄膳索

膠江籬揭車春蕙秋蘭價同瓊瑤而海上之女逐酷臭之
夫

家語孔子曰芝蘭生於深林不以無人而不芳君子修道
立德不為困窮而改節為之者人也死生者命也

語林曰謝太傅問諸子姪曰子弟何豫人事而政欲使其
佳諸人莫有言者車騎荅曰譬如芝蘭玉樹欲使其生於

庭培耳培耳又曰毛伯成既負其才器常稱寧為蘭摧玉折不作蕭芳
艾榮

羅含別傳曰含致位還家庭中忽自生蘭此德行幽感之
應

蔡質漢官儀曰尚書郎懷香握蘭趨走丹墀

盛弘之荊州記曰都梁縣有小山山上水極淺其中悉生

蘭草綠葉紫莖芳風藻谷俗謂蘭為都梁即以號縣云

本草經曰草蘭一名水香久服益氣輕身不老

楚辭曰余既滋蘭之九畹滋蒔也二畹分十畝為畹

又曰扈江離與辟芷兮扈披也楚人名披曰扈組秋蘭以

為佩細

又曰沅有芷兮澧有蘭言沅水中有盛茂之芷澧水之中有芬芳之蘭喻湘夫人之美亦異人也欲思公子未敢言

又曰秋蘭兮麝蕪羅生兮堂下綠葉兮素枝芳菲兮襲予

秋蘭兮青青綠葉兮紫莖滿堂兮美人忽獨與余兮日成

又曰光風轉蕙泛崇蘭

趙壹疾邪賦曰勢家多所宜欬唾自成珠被褐懷珠玉蘭

蕙化為芻

張衡怨詩曰秋蘭嘉美人也嘉而不獲川故作是詩也猗

猗秋蘭

植彼中阿

有馥其芳

有黃其葩

雖曰幽深

厥美彌嘉

之子之遠

我勞如何

○酈炎詩曰靈芝生河洲

動搖回洪波

秋蘭榮何晚

嚴霜害其柯

哀哉之芳草

不植太山阿

琴操曰猗蘭操者孔子所作也

孔子聘諸侯其能任自衛

反魯過億谷之中見薺蘭獨茂喟然歎曰

夫蘭當為王者香今乃獨茂與眾草為伍乃止車援琴鼓之

自傷不逢時託辭於香蘭云

晉傅玄詠秋蘭詩曰秋蘭陰玉池

池水清且芳

雙魚白踊躍

兩鳥時徊翔

○晉王羲之蘭亭記曰永和九年歲在癸

丑暮春之初會于會稽山陰之蘭亭修禊事也

爾雅曰蘼蘼蕪也楚謂之蘼晉謂之蘼

軒嬌齊謂之蘼

爾雅曰蘼蘼蕪也

楚謂之蘼晉謂之蘼

軒嬌齊謂之蘼

爾雅曰蘼蘼蕪也

楚謂之蘼晉謂之蘼

軒嬌齊謂之蘼

爾雅曰蘼蘼蕪也

楚謂之蘼晉謂之蘼

軒嬌齊謂之蘼

爾雅曰蘼蘼蕪也

楚謂之蘼晉謂之蘼

軒嬌齊謂之蘼

爾雅曰蘼蘼蕪也

春秋運斗樞曰維星散為蘼蕪

淮南子曰亂人者若蛇床之與蘼蕪

山海經曰洞庭之山其草多蘼蕪

廣志曰微蕪香草魏武帝以藏衣中

吳氏本草曰蘼蕪一名芎窮謂其味大辛氣亦寒

古詩曰上山採蘼蕪下山逢故夫

郭璞讚曰蘼蕪善草亂之蛇床不墮其貴自別以芳

廣雅曰臯草蕪草也

山海經曰天帝之山其下多菅蕪菅似升山其草多蕪

廣志曰蕪草綠葉紫華魏武以為香燒之

楚辭曰光風轉蕪泛崇蘭

又曰既滋蘭兮九畹又樹蕪之百畝

又曰既滋蘭兮九畹又樹蕪之百畝

司馬相如子虛賦曰於是乃相與掠於蕪圃盤礴勃窣

問行貌 寒切 蕪音切 上金隄

爾雅曰藹車芑音輿也 郭璞曰藹車香

說文曰藹芑輿也芑音 草也見離騷

廣志曰藹車黃葉白華出徐州

楚辭曰畦留夷與藹車雜杜蘅與芳芷

山海經曰天帝之山有草焉其狀如葵

香草可以走馬郭璞曰帶之令人便馬 食之已癭

爾雅曰杜土鹵也郭璞曰杜蘅也

唐書曰貞觀中度支郎以朱謝眺詩云芳洲多杜若乃下

坊州令貞州判司報云坊州不出杜若應由謝眺詩誤太

太平御覽

卷九百八十三

四

五

五

五

宗聞之大笑判司改雍州司法度支郎免官廣雅曰杜蘅杜若也

范子計然曰杜若出南郡漢中大者善本草經曰杜若一名杜衡

山海經曰號山其草多葍郭璞注曰葍白芷也一名香草也

廣雅曰白芷葉謂之葍淮南子曰今鼓舞者便媚擬神也身若秋葍被風葍白芷香

范子計然曰白芷出齊郡以春取黃澤者善也本草經曰白芷一名芳香味辛溫生河東

吳氏本草曰白芷一名葍一名符離一名澤芬一名

葩○楚詞曰獻歲發春兮汨吾南征綠蘋葉齊兮白芷生

又曰桂棟兮蘭橈辛夷湄兮葍房又曰擊木根以潔芷兮

結香草拾其花心以表已之忠信也貫薜荔落藥草藥花心也佩

楚辭曰荃不察余之中情兮荃香草以喻君被服反信讒

而齊怒齊疾也又曰荃撓兮蘭旗又曰荃撓兮蘭旗

左傳曰晉獻公以驪姬為夫人卜人曰一薰一蕕十年尚

猶有臭薰香也蕕名曰薰草也

廣雅曰鹵薰也其葉謂之蕕

蕕名曰薰草也

廣雅曰鹵薰也其葉謂之蕕

魏略曰大秦出薰草

蘇子曰象以牙喪身不能去其白薰以芳白燒不能去其香淮南子曰以藜白為汗辱譬猶沐浴而杼溷薰燧而負羸謂之薰燧也燒薰自香楚人

抱朴子曰常以執日取天井上土以和柏葉薰草以泥門戶方一尺則盜賊不來

西京雜記曰漢掖庭有綠熊席其席皆長一丈餘眠而擁毛自蔽望其不能見坐則沒膝其中雜諸薰香一坐此席餘香百日不歇成公綏宜清賦曰哀薰草之見焚

兜末香

漢武故事曰西王母當降上燒兜末香兜末香兜渠國所獻如大豆塗門香聞百里關中常大疾疫死者因生

蓋而其香反生香

真人關尹傳曰老子曰真人遊時各坐蓮華之上華徑一丈有反生靈香逆風聞三十里靈香一名紫木香一名金

驚精香

十洲記曰聚窟洲在西海中上有天山形似鳥之狀因名為人鳥山山中多人樹與桐相似而秀芳華藥香聞百里因名返魂樹即其樹樹能作聲如牛响聞者必震駭伐其木根於玉釜中煮取汁更微微以火熟煎如黑飴令可丸名曰驚精香或名震靈丸亦名返生香亦名却死香氣聞數百里死屍在地聞氣即活延和六年春西胡月氏國王遣使者獻香四兩大如雀卵黑如桑椹帝以香國中所乏以付庫其香名曰白蛤狸其香名曰白蛤狸其香名曰白蛤狸

異物志曰白蛤狸剗其外韋囊以酒洒而陰乾之其氣如麝若雜真麝中鮮有別者

水經曰三城水又經香陞山山止悉生藁本香世故名焉

郭子橫洞冥記曰元朔二年波祇國亦名波弋國獻神精

香草一名荃屨一名春蕪一根五百條其枝間如竹節柔

軟其皮如絲可以為布所謂春蕪布亦曰香荃布堅密如

紉也搗之一斤滿宮皆香婦人帶之彌為香馥

任昉述異記曰龜甲香即桂香嘉者一名紫木香一名金

杜香一名麝草香出蒼梧桂林二郡界今吳中有麝草似

藍而甚芳香

龜甲香

太平御覽卷第九百八十四

歸藏經曰昔常娥以不死之藥奔月

易曰無妄之疾勿藥有喜象曰無妄之藥不可試也

書曰若藥弗瞑眩厥疾弗瘳

周禮曰醫師掌聚毒藥供醫事疾醫以五藥養病凡藥以

酸養骨以辛養筋以鹹養脉以苦養氣以甘養肉以滑養

禮記曰君有疾飲藥臣先嘗之親有疾飲藥子先嘗之

又曰春饒獸之藥無出九門為鳥獸方孚乳傷之為逆

太平御覽卷第九百八十四

左傳曰臧孫曰季孫之愛我也疾痲也孟孫之惡我也藥

石也常志相違辰猶美疾不如惡石孟孫死吾亡無日矣

又曰許悼公疾飲太子止之藥卒太子奔晉書曰殺其君

君子曰盡心力以事君舍藥物可也藥物有毒當由醫非

殺君之名論語曰康子饋藥拜而受之曰丘未達不敢嘗饋

史記曰長桑君與扁鵲藥服之三十日見人五藏

漢書曰灌夫擊吳身中大創十餘適有萬金良藥故得不

死

又曰王嘉為丞相數上封事言不耳封董賢上怒有詔假

謁者節召丞相詣廷尉詔獄使者既到府掾史涕泣共和

藥進嘉嘉引藥盃以擊地謂官屬曰丞相幸得備位三公

奉職有罪當伏刑都市以示萬眾丞相豈兒女耶何為咀

藥而死

藥而死

東觀漢記曰上嘗與朱祐共買蜜合藥上追念之即賜祐

白蜜一石問何如長安時共買蜜乎

又曰鄧訓為護烏桓校尉吏士常大病瘡轉易至數十人

訓身煮湯藥咸得平愈其無妻者為適配偶

又曰王闔者王莽叔父平阿侯譚子也王莽篡位潛忌闔

乃出為東郡太守闔懼誅常繫藥手內莽敗漢兵起闔獨

字全

華嶠後漢書曰張楷字公超家貧無以為業常乘驢車至

縣賣藥

九州春秋曰青州刺史焦和多作陷水丸沉河望寇不得

渡

吳書曰合肥之役凌統身被六七瘡有卓氏良藥故得不

死

魏志曰太祖性嚴祿屬公事往往杖之何夔常畜毒藥誓死無辱是以終不見及

晉書曰餘杭陰士郭文字文舉王導聞召之永昌中大疫父病亦殆導遺藥文曰命在天不在藥也

王隱晉書曰李洧為尚書令家至貧兒病無錢買藥上賜錢十萬李洧一作李鳳

又曰程咸字延休其母夢白頭公授藥曰服此當得貴子後生成至侍中

又曰符生常使太醫令程延合安胎藥問人參好惡并藥分多少延曰雖小小不具自可堪用生以為譏已遂斬之

又曰陸抗與羊祜推喬扎之好抗嘗遺酒祜飲之不疑抗有疾祜饋之藥抗亦推心服之

宋書曰高祖微時伐荻新洲見大蛇長數丈射傷之明日洲中間杵臼聲往視之見童子數人皆青衣於榛中擣藥問其故荅曰我王為劉寄奴所射合傳藥之帝曰神何不殺之童子曰寄奴王者不死不可殺帝叱之皆散仍收藥而反又客經下邳逆旅會一沙門謂帝曰江表當亂能安之者其在君乎帝先患手瘡經年不愈沙門有黃藥因留與帝既而忽亡帝以黃散傳瘡一傳而愈寶其餘及所得童子藥每遇金瘡傳之並愈

齊書曰隨郡王子隆年二十一而體過充壯常使徐嗣伯合蘆茹丸服以自銷損

又曰豫章王嶷薨後見形於沈文季曰我未應死皇太子加膏中十一種藥使我癱不差湯中復加藥一種使利不鬪吾已訴先帝先帝許還東邱當判此事因胷中出青紙

文書示文季曰與卿少舊因卿呈主上俄失所在文季祕而不傳甚懼此事少時太子薨矣

魏書曰邢巒為侍郎甚見親遇高祖因行藥園至司空府南見巒宅遣使謂巒曰朝行藥園至此見卿第宅乃佳東望德館情有依然

又曰天竺烏長國娑羅門為上族解天文人有爭訟服之藥曲者發狂直者無恙

隋書曰隋大舉伐陳王頌力戰被傷恐不堪復鬪悲感嗚咽夜中睡夢有人授藥比瘡而瘡不痛時人以為忠感

又曰楊素寢疾帝每令醫詠候賜以上藥然密問醫人怕恐不死素又自知名位已極不肯服藥亦不將慎每語弟約曰我豈須更活耶

唐書曰太宗幸襄城宮登千邏坂見喝者僵於路駐馬命

左右取藥飲之乃蘇

又曰天竺方士那羅邇婆娑寐自言壽二百歲云有長生之術太宗信之深加禮敬館之金飆門內造延年之藥令崔敦禮監主之發使天下採諸奇藥異石不可稱數後竟不就

又曰元和中山人柳泌言靈藥可得上信之乃以為台州刺史賜紫令採靈藥

又曰柳公綽有道士獻藥試之有驗問所從來曰合此藥於薊門時朱克融方叛公綽遽謂曰惜哉至藥來於賊臣之境雖驗何益乃沉之于江而逐道士

莊子曰宋人有善為不龜手之藥者龜手裂也統絮也冬漂絮世世以泔泔音統曠為事則手拘能為藥以自洽客聞之請買其方白金以說吳王說可以戰吳王使之將冬與越人水戰大敗

越人列地而封之能不龜手一也或以封或不免於泮泮
統則所用之異也

唐子曰仙人韓終即韓馮之兄為宋王採藥王不肯服之
終因服之遂得仙

淮南子曰羿請不死之藥於西王母姮娥竊而奔月姮娥
也羿從西王母請不死之藥於西王母未

及服之姮娥盜服得仙奔入月中為月精
又曰今夫地黃主屬骨而甘草生肉之藥也以其屬骨而
責其生肉以其生肉而責其屬骨是王孫綽之欲倍偏枯

之藥而欲以生殊死之人亦可謂失論矣王孫綽
魯人也

又曰崑崙墟旁有九井下橫維其西北之隅橫猶光也
或作彭盛不

死藥器也四水各帝之神泉以和百藥以潤萬民
抱朴子曰神農經曰上藥令人身安命延昇天神仙遨遊
下役使萬靈體生毛羽行廚立至

又曰五芝及餌丹砂玉札曾青雄黃雲母太一禹餘糧各
可單服之皆令人飛行長生

又曰中藥養性下藥除病能令毒蟲不加猛獸不死惡氣
不行衆祇辟屏

孝經援神契曰椒薑禦濕菖蒲益聰巨勝延年威喜辟兵
此皆上聖之至言方術之實錄也

又曰仙藥之上者丹砂次則黃金次則白銀次則諸芝次
則五玉次則五雲次則明珠次則太一禹餘糧次則石中

黃子次則右桂英次則石腦次則石流丹次則石給次則
曾青次則松柏脂茯苓地黃麥門冬朮巨勝重樓黃連石

韋杵石家紫一名托盧是也或名仙人杖或名西王母
杖或名天精或名却老或名地骨或名枸杞也

戰國策曰有獻不死之藥於荆王者謁者操以人中射之

士問曰可食乎曰可因奪而食之王怒使人殺中射之士
士曰臣問謁者謁者曰可食臣故食之是臣無罪罪在謁
者也且容獻不死之藥臣食之而王殺臣是死藥也王乃
殺無罪之臣而明人之欺王王乃不殺
說苑曰湯曰藥食先嘗於甲然後至於貴藥食嘗乎甲然
後至乎貴教也藥言獻於貴然後聞於甲道也
又曰孔子曰良藥苦於口利於病忠言逆於耳利於行
呂氏春秋曰魯有公孫結者告人曰我能治偏枯今吾倍
爲偏枯之藥則可以起死人矣物固有以爲小不可以爲
大可以爲小而不可以爲全者矣
又曰良醫醫病病萬變藥亦萬變病變而藥不變嚮之壽
民今爲殤子矣
又曰若用藥者得良藥則活人得惡藥則殺人義兵之爲

天下良藥也亦大矣

論衡曰大王亶父睹王季之可立故易名曰歷歷者適也

大伯覺悟採藥以避王季

山海經曰大荒之中有黃木赤枝青葉群帝取藥言樹花實皆爲藥也

又曰大荒中有山名豐阻玉門日月所入有靈山巫咸巫
昉巫卽巫盼巫彭巫姑巫真巫祀巫謝巫羅十巫從此升
降百藥爰在

酈善長注水經曰棧山甚巖峻重疊灌柏齊陰攢柯翠峙
泉石轉深蓋仙居之宿所是以世人目巖爲擣藥巖名此
水爲擣藥水

漢武內傳曰王母謂武帝曰太上之藥乃有玄光黎角風
寶雲子帝園王族昌城王藥夜河天骨崆峒靈瓜四劫一

實寘陵麟膽仰掇扶桑之丹樾俯採長河之文藻紫虬童子九色鳳腦太真虹芝天漢神草南宮大碧西卿扶老三梁龍華生子大道有得食之後天而老此太上之所服非中山之所寶也

又曰武帝崩遺詔以雜道書四十卷置棺中到延康二年河東工曹李及入上黨抱犢山採藥於巖室中得此書盛以金箱其書後題臣姓名記日月是武帝時物也河東太守張純以箱及書奏宣帝宣帝示武帝時左右侍臣有典書中郎見書流涕曰此是帝崩時殯殮物也

東方朔別傳曰孝武皇帝好方士敬鬼神使人求神僊不死之藥甚至初無所得天下方士四面鋒至不可勝言東方朔睹方士虛語以求尊顯即云上天欲以喻之其辭曰陛下所使取神藥者皆天地間之藥也不能使人不死獨

天上藥能使人不死耳上曰然天何可上也朔對曰臣能上天上知其謾詫略後極其語即使朔上天取不死之藥朔既辭去出殿門復還曰今臣上天似謾詫者願得一人為信驗上即遣方士與朔俱往期三十日而反朔等既辭而行日月過諸侯傳欲往往留十餘日期又且盡無上天意方士謂之曰期且盡日日飲酒為奈何朔曰鬼神之事難豫言常有神來迎我者於是方士晝卧良久朔遽覺之日呼君極久不應我今者屬從天上來方上大驚還具以聞上以為面欺詔下朔獄朔啼對曰朔須幾死者再上曰何也朔對曰天公問臣下方人何衣臣朔曰衣蟲蟲何若臣朔曰蟲喙鱗鬚類馬邠邠類虎天公大怒以臣為謾言繫臣使下問還報存之名蠶天公乃出臣今陛下苟以臣為詐願使人士問之上大驚曰善齊人多詐欲以喻我止

方士也罷諸方士弗復用也由此朔日以親近
列仙傳曰樂子長者齊人也少好道真到霍林山遭仙人
受服巨勝赤松散方仙人告之曰地服此藥化為龍人服
此藥老翁成童能昇雲上下改易形容崇氣益精起死養
生子能服之可以度世了長服之年百八十色如少女妻
子九人皆服此藥老者還少少者不復老
又曰燕王遣韓終採藥王先使韓終服之面如金色
又曰安期生賣藥海邊時人以爲千歲公
又曰瑕丘仲賣藥於甯後地動舍壞仲死人取屍奔水收
其藥賣之仲被裏誚之後爲夫餘使各
又曰崔文子太山人賣藥都市後有疫死者萬計文子擁
朱幡持黃散循問民服其散愈者萬計後在蜀賣赤丸
世故寶之

又曰負局先生者語似燕代間人也負磨鏡局循吳帝市
中磨一鏡一錢因磨輒問主得無人疾苦者有輒出紫丸
藥以與之得莫不愈後上吳山絕崖頭世世懸藥與下人
曰吾欲還蓬萊山與汝曹神水崖頭一旦有水白色從石
開來下服之病多愈
高士傳曰韓康字伯休京兆霸陵人採藥名山賣於長安
市口不二價三十餘年時有女子從康買藥康價不移女
子怒曰公是韓伯休那乃不二價也康歎曰我本避名今
女子皆知有我何用藥爲乃逃入霸陵山中
魯女生別傳曰封君達隴西人也少好道初服黃連丸五
十餘年乃入鳥鼠山又於山中服水銀百餘年還鄉里年
如二十者常乘青牛故號爲青牛道士
桂陽先賢畫讚曰蘇耽嘗除門庭有衆賓來耽告母曰人

招耽去已種藥着後園梅樹下可治百病一葉愈一人賣
此藥過足供養便隨寘去以走牽之四體如醉足不能舉
椰原別傳曰魏太子爲五官中郎將原爲長史太子讌會
衆賓百數十人太子建議曰君父各有篤疾有藥一丸可
救一人當救君耶父耶衆人紛然或君或父時原在坐不
與此論太子諮之於原原惇然對曰父太子亦不復難
曹毗杜蘭香傳曰神女蘭香降張碩碩問壽如何香曰消
磨自可愈疾淫祀無益香以藥爲消磨
王子年拾遺錄曰燕昭王坐祗明之室晝而假寐忽夢西
方有白雲蒼蔚而起俄而闢於庭間有人衣服皆毛羽駕
蒼鷲之車從雲中而出直詣王所王夢中與語問以上仙
之術羽人曰大王精智未開欲求恆生不可得也王請受
絕慾之教羽人指畫王心應手而裂王乃驚悟因患心疾

久之乃昇於泉照之館復見前所夢人於前日本欲易王
之心乃出方寸綠囊囊中有續脉名丸哺四精散其細若
灰以手摩王之臆俄而卽愈王因請其方曰其用物也有
九明神芝煎以蒼鷹之血黑河鱗膽煮以琨嶼之脂肪以
玉缶緘以金繩封以玉印王得服之後天而死若溺於淫
嗜於欲求者祇苦心焉諦畢化爲青鳧入天際王求合藥
終不能成黑河北極也其水濃黑不流上有濃雲生焉有
黑鯤千尺如鯨常飛遊於南海
博物志曰夫性之所以和病之所以愈是當其藥應其病
則生違其藥失其應則死
本草經曰太一子曰凡藥上者養命中藥養性下藥養病
神農乃作頰鞭鈎鋼尺切從六陰陽與太一升五岳四瀆
土地所生草石骨肉心皮毛羽萬千類皆鞭問之得其所

能主治當其五味百七十餘毒

異苑曰魏武北征踰頓升嶺眺矚見一崗不生百草王粲曰如是古冢此人在世服生礬石死而石上熟蒸出外故并木樵滅即令鑿之果得大墓有礬石滿塋仲宣博識強記皆類此也一說粲在荊州從劉表登鄧山見此異任昉述異記曰漢世古諺云雖有神藥不如少年雖有珠玉不如金錢太原神金崗中有神農嘗藥之鼎在焉成陽山中有神農鞭藥處一名神農原一名藥草山山中有紫陽觀世傳神農於此辨百藥也

養生略要曰神農經曰五味養精神強魂魄五石養髓肌肉肥澤諸藥其味酸者補肝養心除腎病其味苦者補心養脾除肝病其味甘者補脾養肺除心病其味辛者補肺養腎除脾病其味鹹者補腎養肺除肝病故五味應五行

四體應四時夫人性生於四時然後命於五行以一補身不死命神以母養子長生延年以子守母除病究年

嶺表錄異曰廣之屬郡及鄉里之間多蓄蠱彼之人悉能

驗之以草藥治之十得其七八藥則金釵股形如石斛古

漏子女粟畏苦食之即吐人肝藤煎汁陳家白藥子一名本梧州陳

氏有此藥善解蠱毒有中者即求之前後救人多矣遂以

為名今封康州有得其種者廣府每歲常為土貢焉諸解

藥功力皆不及陳家白藥

王彪之閩中賦曰藥草則青珠黃連拳柏決明菴蓉鹿茸

漏蘆松榮痊痾則年永練質則翰生

謝靈運山居賦曰本草所載山澤不一雷桐是別和緩是

悉三枝六根五華九寶○樂府歌詩曰仙人騎白鹿鬣短

耳何長道我奉上藥覽之獲無彊來到主人門奉藥一玉

十日夜伺之丹魚必浮於岸側赤光上照赫然如火網而
取之雖多勿盡取之也割取血以塗足下則可步行水上
張居水中
史記曰寡婦清先得丹穴而擅其利清寡婦能守其業始
皇爲女築懷清臺
梁書曰陶弘景既得神符祕訣以爲神丹可成而苦無藥
物帝給黃金朱沙曾青雄黃等後合飛丹色如霜雪服之
體輕及帝服飛丹有驗益敬重之
唐書曰道士劉道合者宛丘人高宗令合還丹丹成而上
之咸亨中卒唯有空皮而背上開拆有似蟬蛻高宗聞之
曰劉師爲我合丹自服仙去其所進者亦無異焉
典略曰白丹者山陵之精也
淮南子曰赤水宜丹黃水宜金清水宜龜

抱朴子曰余考覽養生之書究集久視之方曾所披涉篇
以千計矣莫不以還丹金液爲大要焉然則二事蓋仙道
之極也服此而不仙則古無仙矣昔左元放於天注山中
精思神人授以丹經仙公從元放受之凡受太清丹經三
卷及九鼎丹經一卷金液經一卷予師鄭君者予從祖仙
公之弟子乃於馬迹山中立壇盟受之并具諸口訣之不
書者

又曰太清神丹其法出元君元君者老子之師也太清觀
天經有十四篇去其上七篇不可以教授其中四篇無足
傳嘗沉之三泉下篇者正是丹經上中下三卷其經日上
下得道長生世間

又曰漢末新野陰君合此太清丹得仙其人本儒生有才
思著詩及丹經讚并序述初學道凌師本末引已所知識

太平御覽 卷九百八十五 雜事 二 雜事

之得仙者四十餘人甚分明也
又曰有九光丹與九轉異法大都相似耳作之之法當先以諸藥合水火以轉五石五石者丹砂雄黃礬石曾青磁石也一石轉五轉而各成五色五石合爲二十五色色各一兩而異器盛之欲起死人未滿三日取清丹一刀圭和以水浴死人之身又以一刀圭發其口內之死人立生欲致行厨取黑丹和以塗左手所求如所道皆自致可致天下萬物也欲隱形及先知未然方來之事及住年不老服黃丹一刀圭即便長生不復老坐見千里之外吉凶皆如在目前也人生相命盛衰壽夭貴賤貧富皆知之矣其法具在太清中卷

又曰五帝靈丹方一卷其法五也用丹砂雄黃石硫黃曾青礬石磁石礬石戎鹽太一禹餘糧亦同用太一泥及神

室祭醮合之三十六日成

又曰以金液爲威喜巨勝之法取金液及水銀合煮之三十日出以黃土甌盛封以太一泥置之猛火上炊之卒時皆化爲丹服如小豆便仙以此丹一刀圭粉和水銀一斤卽成銀又取此丹一斤置猛火上扇之化爲赤金而流名曰丹金以塗刀劍兵去萬里以此丹金爲盤碗食其中令長生以承日月得神液如方諸之得水也飲之令人不死又曰九丹誠爲仙藥之上然合作之所用雜藥甚多皆四方清通者市之可得取若九域分攝則其物或不可得也又曰葛稚川云余祖鴻臚少時曾爲臨沅令云此縣有瘳氏家世壽考或出百或八九十後徙去子孫多夭折他人居其故宅者復累世壽由此乃覺是宅所爲而不知其何故疑其井水殊赤乃試掘井左右得古人埋丹沙數十斛

山海經曰拒山英水出焉其中多丹

又曰始州國有丹山

論衡曰太公陰謀書武王伐紂令小兒以丹塗身純赤長
大教云殷王亡民見兒身赤以為天神

說文曰丹越之赤石也曠善丹也

神仙傳曰采女請問彭祖延年之法彭祖曰欲舉形登天
上補仙官者當用金丹此九天太一所以白日昇天

又曰馬明生從道人受太清神丹經三卷入山合藥服之
不樂昇天但服半劑為地仙展轉九州百餘年乃白日昇
天也

又曰淮南王安從八公受丹經及三十六水方

又曰李少君從安期先生受神丹爐火之方家貧不得藥
乃以方干漢武帝云

又曰葛玄字孝先從左元放受九丹金液仙經

又曰劉元鳳南陽人服芙蓉丹及雞子丹

魯女生別傳曰李少君字雲翼齊國臨淄人也少好道入
山採藥修全身之術道未成而病困於山林中遇安期先
生經過見少君少君叩頭求乞生活安期愍其有志乃以
神樓散方與服之即起少君求隨安期奉給奴役
廣志曰丹朱沙之朴也大者如米生山中出牂牁與古僕
國

裴淵廣州記曰鄣平縣有朱沙塘水如絳

又曰鄣平縣有石膏山望之若霜雪又一嶺東為銀石南
是鐵石西則丹沙北乃銅石

本草曰丹砂味甘微寒生山谷養精神益氣明目
生平澤治吐逆胃反久服成仙生蜀都

吳氏本草曰丹砂神農甘黃帝岐伯皆有壽扁鵲苦李氏
大寒或生武陵探無時能化朱成水銀畏磁石惡鹹水
武陵太守謝承表曰新宮成上丹砂五百斤上億萬歲壽
春秋運斗樞曰搖光得陵出黑芝水吸
孝經援神契曰德至草木則芝草生
爾雅曰苗似由芝也郭璞曰芝一
漢書曰武帝時芝生殿內房中九莖詔赦天下作芝房歌
又曰宣帝神爵元年三月詔曰金芝草九莖服虔曰產于
函德殿銅池中如淳曰函亦舍也銅池承露也音灼
東觀漢記曰明帝永平七年公卿以芝生前殿奉觴上壽
相帝建和元年芝草生中黃臧府
又曰光和四年郡國上芝草英

續漢書曰建初五年零陵女子博寧宅內生紫芝五株長
者尺四寸短者七八寸太守沅豐使功曹齋芝以聞帝告
宋書曰順帝升明二年臨城縣生紫蓋黃裏芝芝歷時質
色不變
唐書曰貞觀中皇太子寢室中產素芝十四莖並為龍興
鳳翥之形
又曰天寶中有玉芝產于火桐殿之柱礎一本兩莖神光
照於殿
又曰上元中延英殿御座生玉芝一莖三花御製玉靈芝
詩
淮南子曰巫山之正從風縱火紫芝與蕭艾俱死
又曰稻生於水而不能生於湍瀨之流芝生於山而不能

生於盤石之上。抱朴子曰：芝者有石芝、有木芝、有草芝、有肉芝、有菌芝。名有百許種也。石芝者，石象生於海隅石山及鳥嶼之涯，肉芝者，狀如肉頭尾四足，良似生物也。附於大石，蓋在高岫峻峻之地，或却着仰綴也。赤者如珊瑚，白者如截肪，黑者如澤漆，青者如翠羽，黃者如紫金，而皆光明洞徹如堅冰也。晦夜去之一二百步，便望見其光矣。大者十餘斤，小者三四斤，非久齋至精及佩老子入山靈寶五符，亦不能得見。此凡見諸芝，且先以開山却害符置其土，則不得復隱蔽化去矣。徐徐擇王相之日，設醮然後取之，皆從日下禹步閉氣而往也。又得石象擣之三萬六千杵，服方寸匕，日盡一斤，則得千歲。十斤則萬歲，亦可分人服之。玉脂芝生於有玉之山，常居懸危之處，玉膏流出，萬年已土則凝而

成芝，有似鳥獸之形色，無常采，率多似山水蒼玉也。亦鮮明如水，精得而采之，以無心草汁和之，須臾成水，服一升，得一千歲也。

又曰：七明九光芝，皆石也。生臨水之高山石崖之間，狀如盤椀，不過徑尺，以還有莖葉，連綴之，起三四寸，有七孔者，名九光，皆如星白，餘步內夜可望見其光，其光自別，常以秋分伺之，得之，擣服方寸匕，久服則噲然身熱，五味甘美，盡一斤，則得千歲。令人身有光，所居暗地如月，可以夜視書也。

又曰：石蜜芝，生少室石戶中，戶中便有深谷，不可得過。以石投谷中，半日猶聞其聲也。去戶外十餘丈，有石柱，柱上有偃蓋石，南度徑可一丈許，蜜芝生石上，墮入偃蓋中，良久輒有一滴，有似雨後屋之餘漏，時時一落，自然蜜芝之隨。

太平御覽 卷九百八十五
不息而偃蓋亦終不溢也戶上刻石爲科斗字得服石
蜜芝一斗者壽萬歲諸道士共思推其處不可得往唯當
以椀器着勁竹木端以承取之然竟未有能爲之者按此
戶上刻題如此前世必已有得之者也
又曰石桂芝生山巖穴中似桂樹而實石也高尺光明而
味辛有枝條擣服之一斤得千歲也石中黃子所在育之
沁水山爲尤多其在大石中則其石常潤濕不燥打其石
石有數十重乃得之在大石中赤黃溶溶如雞子之在殼
中也即當飲之不飲則漸堅凝成石不復中服也法正當
及未堅時飲之既凝則不得服也破一石中多者有一升
少者有數合不可頓服雖不得多相繼服之共計前後所
服合成三斗則千歲但欲多服唯患難得耳
又曰石腦芝生滑石中亦如石中黃子狀但不背有耳打

破大滑石千許乃可得一斤初破之其在石中五色光明
而自動服一升得千歲矣
又曰木芝者松柏脂淪地千歲化爲伏苓萬歲其上生小
木狀似蓮花名曰木威喜芝夜視有光持之甚滑燒之不
焦帶之辟兵以帶雞而雜他雞十二頭共籠之去十二步
射十二箭他雞皆傷帶威喜芝者終不傷也從生門上採
之六甲陰中乾之百日末服方寸七日三盡一枝則三千
歲也

太平御覽卷第九百八十五

太平御覽卷第九百八十六
芝下
抱朴子曰千歲之枯木其下根如坐人長七寸刻之有血
以其血塗足下可以步行水上不沒以塗人鼻入水水為
之開可以止住淵底也以塗身則隱形欲見則拭之又可
以治病病在腹內則刮腹一刀圭其腫痛在外者隨其所
在刮一刀圭以摩之皆手下即愈假令左足有疾則刮塗
人左足也
又曰松樹枝三千歲者其皮中有聚脂狀如龍形名曰飛
節芝大者十斤未服之盡一斤得五百歲
又曰樊桃芝其木如昇龍其花葉如丹蘿其實如翠鳥高
不過五尺生於名山之陰東流泉水之上以夏至後伺之

太平御覽卷第九百八十六

藥部三

芝下

抱朴子曰千歲之枯木其下根如坐人長七寸刻之有血
以其血塗足下可以步行水上不沒以塗人鼻入水水為
之開可以止住淵底也以塗身則隱形欲見則拭之又可
以治病病在腹內則刮腹一刀圭其腫痛在外者隨其所
在刮一刀圭以摩之皆手下即愈假令左足有疾則刮塗
人左足也
又曰松樹枝三千歲者其皮中有聚脂狀如龍形名曰飛
節芝大者十斤未服之盡一斤得五百歲
又曰樊桃芝其木如昇龍其花葉如丹蘿其實如翠鳥高
不過五尺生於名山之陰東流泉水之上以夏至後伺之

得末服之一株得五千歲

又曰參成芝赤色有光扣之枝葉如金石之音折而續之即復如故

又曰木渠芝寄生大木上如蓮花九莖一叢其味甘而辛建木芝實生於都廣其皮如纓蛇其實如鸞鳥此二芝得服之白日昇天也

又曰黃蘆子尋木華玄液華此三芝生於泰山要鄉及奉高有得服之皆令人壽千歲也

又曰千歲鸞其窠戶北向其色多白而尾毛掘取陰乾末服得五百歲凡此百二十種皆肉芝也

又曰菌芝或生深山之中或生大木之下或生泉水之側其狀或如宮室或如車馬或如龍虎或如飛鳥五色無常亦百二十種自有圖也皆當禹步往採取之刻以骨刀陰

乾末服方寸匕令人昇仙中者數千歲下者千歲欲求芝草入名山必以三月九月此山開出神藥之月也勿以山浪日必以天輔時三奇會尤佳出三奇吉門到山須六陰之日明堂之時帶靈寶符牽白犬抱白雞以白鹽一斗及開山符檄著大石上執吳唐草一抱以入山山神喜必得芝也又採芝服芝欲得王相專和之日支于上下相生爲佳此諸芝名山多有之但凡庸道士心不精志行穢德薄又不曉入山之術雖得其圖不知其狀亦終不能得也山無大小皆有鬼神其鬼神不以芝與人人雖踐之不可見也又曰草芝有獨搖芝無風自動其莖大如手指赤如丹素葉似萇其根有大魁如斗有細者如雞子十二枚周繞大根四方似倣徧十二辰也相去丈許皆有細根如白髮以相連生高山深谷之上其所生左右無草得其大魁末服

之盡則千歲服其細者一枚百歲可以分他人也懷其大
根即隱形欲見則左轉而出之
又曰牛角芝生虎壽山及吳陵上狀似葱而特生如牛角
長三四尺青色未服方寸七日三服至百日則得千歲矣
又曰龍仙芝狀似昇龍之相負也以葉為鱗其根則如蟠
龍服一株得千歲矣
又曰紫珠芝其莖黃其葉赤其實如李而紫色二十四枚
輒相連而垂如貫珠也
又曰白符芝高四五尺似梅常以大雪而花季冬而實
又曰朱草芝九曲有三葉葉有實也
又曰五德芝狀似樓殿莖方其葉五色各具而不雜狀如
偃蓋中嘗有甘露紫光起數尺
又曰龍銜芝常以仲春對生三節十二枚下根如坐人几

此草芝又有白二千種陰乾服之則令人與天地相畢或
得千歲二千歲

又曰肉芝者謂萬歲蟾蜍頭上有角額下有丹書八字以
五月五日日中時取之陰乾百日以其足畫地即為流水
千歲蝙蝠色如白雪集則倒懸腦重故也此二物得而陰
乾末服之令人壽四萬歲千歲龜五色具額上兩骨起似
角以羊血浴之乃剔取服之壽千歲行山中見小人乘車
馬長七八寸者肉芝也取服即成仙凡百二十種皆肉芝
漢武內傳曰仙芝上藥有大真虹芝
論衡曰章帝時零陵生芝草五本
又初稟篇曰朱草之莖如鍼紫芝之莖如豆如珠玉者稟
氣而生亦猶此也

茅君內傳曰勾曲山上有神芝五種第一曰龍仙芝似交

龍之相負服之爲太極仙卿第二曰名參成芝赤色有光
扣其枝葉如金石之音折而續之卽如故服之爲太極大
夫第三曰燕胎芝其色紫形如葵葉燕象如欲飛狀光明
洞徹服一株拜爲太清龍虎仙君第四曰名夜光芝其色
青實正白如李夜視其實如月光照洞一室服一株爲太
清仙官第五曰玉芝色白如玉剖食拜三宮正真御史也
神仙傳曰漆飛黃子張虛字子黃遼人也行玄素之道年
二百歲有少容服九英蓋芝石象而得道也
又曰刁子然服赤馬散及夜光芝
仙人採芝圖曰芝生於名山食之令人乘雲能上天觀望
八極通見神明鳳凰芝草生於名山上金玉開文石上
陰乾治食一年令人羽翼皆生壽千歲能乘雲與鳳凰俱
又曰木芝生於名山大谷之陰治食之能入水中乘雲行

通神明能使百鬼甘露芝生於石山之陰有五彩覆之
又曰車馬芝生於名山中此堯時七車馬化爲之能得
食之乘雲而行上有雲氣覆之萬年芝生於名山中及
蓬萊山
又曰地芝生於名山得食之延年益壽一舉千里走越江海
又曰月芝生於名山之陰金石珠玉之閒陰乾治食令人
有毛二尺延壽萬歲
又曰土芝生於名山之隱黃雲覆之此戊巳中宮黃帝之
精食之益壽八千
又曰黑雲芝生於名山大谷涼泉之閒黑蓋赤裏莖黑味
鹹苦食之一年能入火不燋入水不漬石芝生於名山之
陰色黃上有不死之藥如甘露味極美取而食之令人不
死赤松子所服山芝之居東西行三南北行五此爲山芝

其色皆白山芝者韓終所食也與天地相極延年益壽通神明矣
又曰人芝生於名山之陰青蓋白莖黃龍芝生於神山之中狀如黃龍雲氣芝生於名山之中心蓋白莖白裏赤天芝生於名山之陰千秋芝生於大谷中四方異色南赤西白北黑東青食之不老老者不死雷芝生於名山之陰白石之上有白雲覆之黃雲芝生於名山之中心金石閒上有黃雲覆之食之壽千歲令人通見神明乘雲為車風為馬青雲芝生於名山之陰雲母芝生於名山澤泉之旁白虎芝生於名山之陰大木下狀如虎蓋青味辛食之令人有力又曰東方芝生於山東之陰南方芝生於神山之陽北方芝生於北海之山大谷水中狀異而澤西方芝生於崑崙之止金石閒萬年芝生於名山之陰

又曰夜光芝生於名山之陰天谷涼泉中金石閒有浮雲翔其上太一芝生於名山之陽蓋黃莖赤得而食之令人不老與天地相保
又曰虎芝生於名山之陰狀如虎食之身輕延壽八百年鳴鳥芝生於名山多林之陽狀如鳥五色陰乾治食令人身輕與風俱行

又曰赤龍芝生於名山之陰源泉澤泉中狀如龍其色赤白以秋採之便有白光食之壽與天地無極黑龍芝生於名山之中大木下黑色如龍食之使人能入水中
孫氏瑞應圖曰芝草常以六月生春青夏紫秋白冬黑
十洲記曰祖州有養神丹芝似菰苗長三四尺人死以草覆之皆活服之長生秦始皇時大疫多有死者有鳥如烏銜此草以覆死人而燈時皆活始皇聞以問北郭鬼谷先

生先生曰此不死草也生瓊田中又有鍾山仙家數十萬
耕田種芝草
嵩高山記曰嵩高山上有神芝人芝者狀似小兒地芝者
辟方一尺如黃金色覆以五色雲有神龍守之食者可以
遐年
崔豹古今注曰元和二年芝生沛如人冠狀又生章武如
人抱三子狀成帝建初五年芝生潁川常以六月中生一
葉春青夏紫秋白冬黑十月復黃氣出上尺五寸
博物志曰名山生神芝不死之草上芝為車馬形中芝為
人形下芝為六畜形
唐新語曰崔希嶠以孝友稱丁內憂哀毀過禮為鄭縣丞
芝草生所居堂一宿而葩蓋盈尺
杜寶大業拾遺錄曰七年六月東都永康門內會昌門東

生芝草百十莖散在地周十步許紫莖曰頭或白莖黑
頭或有枝或無枝亦有三枝如古出字者地內根並如綿
大相連著乾陽殿東東十閣前槐樹上生芝九莖其本相
扶而生中莖最長兩邊八莖相次而短有如樓閣甚潔白
武貴郎將段文操留守畫圖表奏
本草經曰青芝一名龍芝食之身輕不老神仙生太山山
谷亦生五岳地上
又曰黃芝一名金芝食之神仙生嵩高山山谷中
又曰赤芝一名丹芝食之為神仙生霍山山谷
又曰黑芝一名玄芝生恒山山谷
又曰紫芝一名木芝久服延年作神仙生山岳地土色紫
形如桑
吳氏本草經曰紫芝一名本芝
九歌曰采三秀芝兮於山門
芝
石磊磊兮葛蔓蔓
繆

襲神芝贊曰青龍元年五月庚辰神芝生乎長平之君陽
其色紫丹其質光耀高尺九寸五分散為三十有六莖枝
幹連屬有似珊瑚之形詔御府置而藏之具畫其形
古瑞命記曰王者慈仁則生芝食則延年又神農氏之論
芝也云山川與四時五行陰陽晝夜之精以生五色神芝
皆為聖王休祥焉自漢孝武顯宗世號隆盛而完封永平
所紀神芝方斯蔑如也且其枝幹條莖本未相承乃協于
天官之數非神明其數孰能如此神芝生於太山
天台山賦曰五芝含秀而紛敷
嵇康詩曰煌煌靈芝一年三秀
太平御覽卷第九百八十六

太平御覽卷第九百八十七

藥部四

石藥上

白石英 青石英 赤石英
黃石英 黑石英 石流黃 石流青
石龍赤 石膽 石肺 石碑
青石脂 赤石脂 黃石脂 白石脂
黑石脂 凝水石 陽起石 石鍾乳
孔公孽 石英
山海經曰單狐之山蓬水出焉其中多紫石英
魏氏春秋曰黃初元年明帝愈崇宮殿彫飾觀閣收白石
英及紫石英五色文石於太行穀城之山

宋書曰謝瞻字宣遠六歲能屬文爲紫石英贊爲當時才士歎異
隋書曰梁彥光少岐嶷有至性七歲時父遇篤疾醫云餌五石可愈時求紫石英五色文石於太行不得彥光憂瘁不知所爲於園中見一物彥光所不識怪而持歸卽紫石英也親屬咸異之。抱朴子內篇曰或問不寒之道荅曰以立冬之日或服六丙六壬符或服太陽酒或服紫石英東莞縣西北二十里有爆山出紫石英舊以貢獻
永嘉記曰陶陶村有小山出紫石英人嘗於山下得一紫石英王府君聞之遣人緣山掘得數升芒角甚好色小薄孫府君亦掘得數升也
從征記曰自大峴至太山皆有紫石英太山所出最復環殊

吳興記曰烏程縣北壘山有紫石英甚光明但小愚博物志曰平氏陽山縣紫石英特好其他者色淺紫石英舊出胡陽縣

嶺表錄異曰隴州山中多紫石英其色淡紫其質瑩徹隨其大小皆五稜兩頭如箭鏃煮水飲之暖而無毒比北中白石英其方倍矣

本草經曰紫石英味甘溫生太山山谷治心腹嘔逆邪氣補不足女子風寒在子宮絕孕十年無子久服溫中輕身延年。吳氏本草曰紫石英神農扁鵲甘氣平李氏大寒雷公大溫岐伯甘無毒生太山或會稽採無時欲令如割紫色頭如樗蒲者

白石英

本草經曰白石英味甘微溫生山谷主治消渴陰痿不足

嘔逆益氣除濕痺隔開久寒益氣除久服輕身長年生華
陰

朱嘉記曰安固老山出白石英

吳氏本草曰白石英神農甘岐伯黃帝雷公扁鵲無毒生

太山形如紫石英白澤長者二三寸採無時久服通日月

光

本草經曰紫石英青石英

本草經曰青石英形如白石石英青端赤後者是

其大小皆正赤石英

本草經曰亦石英形如白石石英形端白後赤澤有光味苦

補心氣

黃石英

本草經曰黃石英形如白石石英黃色如金在端者是

黑石英

本草經曰黑石英形如白石石英黑澤有光

石流黃

後魏書曰悅盤國有火山山傍石皆燠鎔流數千里迺凝

堅人取以為藥即石流黃也

淮南子曰夏至流黃澤

抱朴子曰石流黃五岳皆有而箕山為多其方言許由就

此服之長生故不復以富貴累意

范子計然曰石流出漢中

神仙傳曰劉馮餌石流黃老而更少

博物志曰西域使至王暢說石流黃出且彌山夫高昌八

百里石流黃高數十丈縱廣五六畝有取流黃孔穴晝

視其孔上狀如青煙常高數尺夜視皆如燃燈光明高八

餘暢所親視見也且彌人言是時氣不和皆往保此山青氣自滅

本草經曰石流黃味酸生谷中治婦人陰蝕疽痔能作金銀物生東海

吳氏本草經曰流黃一名石流黃神農黃帝雷公賦有毒醫和扁鵲無毒或生易陽或河西或五色黃是潘水石液也燒令有紫炎者八月九月採治婦人結陰能化金銀銅鐵

石流黃

本草經曰石流黃青白色主益肝氣明目

石流赤

神仙傳曰許由巢父服箕山石流丹。抱朴子曰石流丹者山之赤精蓋石流黃之類也皆浸溢於涯岸之間其濡

濕者可丸服其已堅者可散服如此者有百二十種皆石芝

本草經曰石流赤生羌道山谷

石膽

孝子玉冊曰虎魄又名爲石膽

十洲記曰滄浪海島上有石膽服之神仙

仇池記曰石膽川平池出石膽

博物志曰皇初三年武都西部都尉王褒獻石膽二十斤

范子計然曰石膽出隴西羌道

本草經曰石膽一名畢石一名石生秦州羌道山谷大石開或出句青山其爲石也青色多白文易破狀似空青能化鐵爲銅合成金銀練餌食之不老

吳氏本草經曰石膽一名黑石一名銅勒神農酸小寒李

氏大寒桐君辛有毒扁鵲苦無毒生羌道或句青山三月
庚子辛丑探

本草經曰石肺一名石肝黑澤有赤文如覆肝置水中即
乾濡主益氣明目生水中

本草經曰石脾一名胃石一名腎石赤文主治胃中寒熱

本草經曰青石脂味酸平無毒主養肝膽氣

赤石脂

越絕書曰田鍾穹隆山赤松子所取赤石脂也

永嘉記曰赤石脂出永寧赤石山

荆州記曰義陽有赤石脂山

本草經曰赤石脂味酸無毒養心氣

范子計然曰赤石脂出河東色赤者善

本草經曰黃石脂

本草經曰黃石脂味平無毒主養脾氣

白石脂

本草經曰白石脂味甘無毒主養肺氣

黑石脂

本草經曰黑石脂味甘無毒主養腎氣強陰陽蝕腸泄利

吳氏本草曰五石脂一名青赤黃白黑符神農甘雷公酸

無毒桐君辛無毒李氏小寒生南山或海涯採無時赤符

神農雷公甘黃帝扁鵲無毒李氏小寒或生少室或生太

山色絳滑如脂黃符李氏小寒雷公苦或生嵩山色如肺

腦鴈鵲採無時白符一名隨岐伯雷公酸無毒李氏小寒

桐君甘無毒扁鵲辛或生少室天婁山或太山黑符一名
石泥桐君甘無毒生洛西山空地
本草經曰凝水石出河東色澤者善
煩滿飲之不飢生常山
范子計然曰凝水石出河東色澤者善
吳氏本草曰凝水石一名白水石一名寒水石神農辛岐
伯鑿和甘無毒扁鵲甘無毒李氏大寒或生邯鄲採無時
如雲母也

陽起石

本草經曰陽起石一名白石味酸微温生山谷治崩中補
足內孳藏中血結氣寒熱腹痛漏下無子陰陽不令生齊
地

吳氏本草曰陽起石或作羊字神農扁鵲酸無毒桐君雷公岐
伯無毒李氏小寒或生太山或陽起山採無時

石鍾乳

吳錄地理志曰始安始陽有洞山山有穴如洞庭其中生
石鍾乳
唐書曰高季輔爲太子右庶子上疏切陳得失特賜鍾乳
一劑曰卿進藥石之言故以藥石相報
列仙傳曰邛疏煮石髓而服之謂之石鍾乳
水經曰大洪山巖嶂皆數百許仞入石門得穴穴上素崖
壁立非人跡所及穴中多鍾乳凝膏下垂望若冰雪微津
細液滴漉不斷幽穴潛遠行者不極
又曰易水東經孔山山下有鍾乳穴穴出佳乳採者揭水
尋沙入穴里許

太山記曰山有鍾乳但不好耳

湘州記曰湘東陰山縣有黃坑山出鍾乳長沙湘鄉縣出鍾乳季秋入穴六七里乃得

盛弘之荊州記曰天門郡出石鍾乳

永嘉記曰安固縣東山石穴出鍾乳

東陽記曰北山崖有洞穴有人嘗於此穴採鍾乳八十餘日糧盡而穴不窮

劉道真錢塘記曰靈隱山北有穴旁人行數步有清流水

廣丈餘昔有人採鍾乳水際見異跡或云是龍跡聞空裏

隆隆有聲便出不測所採近遠

范子計然曰石鍾乳出武都黃白者善

本草經曰石鍾乳一名留公乳味甘温生山谷明目益精治欬逆上氣安五藏百節通利九竅下乳汁生少室

吳氏本草曰鍾乳一名虛中神農辛桐君黃帝醫和甘扁鵲甘無毒李氏大寒或生太山山谷陰處岸下聚溜汁所成如乳汁黃白色空中相通二月三月採陰乾

孔公藥

本草經曰孔公藥一名通石味辛温生山谷治食化氣利九竅下乳汁治惡瘡疽癩生梁山

礬石

說文曰礬毒石也

山海經曰臯塗之山有白石焉名曰礬可以毒鼠

今礬石殺鼠蠶食之而肥

潘子計然曰礬石出漢中色白者善

湘州記曰湘東山多礬石

博物志曰鸛伏卵時取礬石周遶卵以助暖氣方術家取
鸛巢中礬石爲真

荆州記曰湖縣鹿山舍傍多礬石每至嚴冬其上不得停
霜雪

盛弘之荆州記曰魚復縣岸崩特出礬石

吳興記曰長城縣有白石山出白礬石極精好

本草經曰礬石一名青分石一名立制石一名固羊石味
辛生山谷治寒熱鼠癩蝕瘡除熱殺百獸生漢中

吳氏本草曰白礬石一名鼠卿一名太白一名澤乳一名
食鹽神農岐伯辛有毒桐君有毒黃帝甘有毒李氏大寒
主溫熱生漢中或生魏興或生少室十二月採

太平御覽卷第九百八十七

